

Politiit aamma unnerluussisussaataasut pinerluttulerinermik suliani ilitsersuinissamut aamma ilisimatitsinissamut aamma pinerlineqartumut inummiq attaveqaataasumik toqqaanissamut pisussaaffii pillugit Kalaallit Nunaannut nalunaarut

Kalaallit Nunaannut eqqartuussisarnermi inatsimmi § 336, imm. 3 malillugu, tak, inatsimmut nalunaarut nr. 1581, 13. december 2016-imeersoq, allanngortinneqartoq inatsisikkut nr. 572, 10. maj 2022-meersukut, piginnaatitsineq naapertorlugu aalajangersarneqarpoq:

§ 1. Politiit imaluunniit unnerluussisussaataasut inatsimmik unioqutitsineq pillugu unnerluussinermut atatillugu imaluunniit tamatuma kinguninngua pinerlineqartoq makkua pillugit ilitsersussavaat

- 1) illersuisimik ivertitsineq pillugu malittarisassat, tak. eqqartuussisarnermi inatsimmi § 333,
- 2) pinerluttulerinermi suliami innuttaasut piumasaqaatit ilisimatitsissutigineqarnissaannut periarfissaq, tak. eqqartuussisarnermi inatsimmi §§ 334 aamma 335,
- 3) naalagaaffimmiit taarsiiffigineqarnissamut aamma taartisiaqarnissamut periarfissat, tak. pinerlunnermi pinerlineqartut naalagaaffimmiit taarsiiffigineqartarnerat pillugu inatsit, kunngip peqqussutaatigut Kalaallit Nunaannut allannguuteqartillugu atuutilersinneqartoq nr. 150, 23. februar 2001-imeersukut,
- 4) pinerlineqartutut siunnersorneqarnermut imaluunniit assigisaanut atatillugu tapersersorneqarnissamut periarfissaq, aamma
- 5) pinerlineqartup pisussaaffii aamma pisinnaatitaaffii soorlu suliami ilisimasannittutut inissisimasinnaanermi.

Imm. 2. Imm. 1-imi taaneqartutut ilitsersorneqarneq tunniunneqarsinnaavoq suliaq pineqartoq pillugu allattugaatinik pinerlineqartumut tunniussinermut atatillugu.

Imm. 3. Imm. 1 malillugu ilitsersorneqarneq ilaginnarneqarsinnaavoq tamakkiisumik ilaannakortumilluunniit, suliap pissusia tunngavigalugu nalunangippat, pinerlineqartup paasissutissat taaneqartut pisariaqartinnikkai.

Imm. 4 Pinerlineqartoq tamatuminnga noqqaassuteqarpat, imaluunniit suliami tigussaasut tamatumunnga naapertuuppata, politiit imaluunniit unnerluussisussatitaasut pisariaqartitsineq naapertorlugu pissutsit imm. 1-imi taaneqanngitsut aamma pillugit ilitsersuissapput, tassunga ilanngullugit pisortat ingerlatsinerat pillugu inatsimmi, peqqussutikkut nr. 1188, 27. december 1994-imeersukut Kalaallit Nunaannut atuutilersinneqartumi, pinerluttulerinermi suliani allagaatinik takunnissinnaatitaaneq pillugu malittarisassat.

§ 2. Ilitsersuinerup § 1-imi taaneqartup saniatigut pinerluttulerinermik inatsimmik ingasattumik unioqutitsineq pillugu suliani, tassani persuttaanerit, soorasaaernerit imaluunniit pinerlunneq inunnut ulorianartoq alla ilaatillugu, aamma kinguaassiuutitigut pinerlunnerit, suliap qanoq ingerlaqqissinnaanera pillugu ilimagisamik pinerlineqartoq ilisimatinneqassaaq. Pinerlineqartoq aamma suliami alloriarnerit pingaarutillit pillugit ilisimatinneqassaaq, suliap qanoq ittuunera malillugu tamanna pisariaqartutut nalilerneqarpat, tassunga ilanngullugu pinerlineqartumut innarlineq pinerluutigineqarsimasumut tunngatillugu.

Imm. 2 Imm. 1-imi taaneqartutut ilisimatitsineq pinerlineqartumik killisiuinnermut aamma allatut attaveqarnermut atatillugu ataavartumik tunniunneqartassaaq.

Imm. 3 Pinerlineqartoq tamatuminnga noqqaassuteqarpat, imaluunniit pissutsit tigussaasut tamatumunnga napertuuppata, politiit imaluunniit unnerluussisussaataasut aamma suliani allani imm. 1-imi taaneqanngitsuni pisariaqartitsineq naapertorlugu suliat ingerlaneraniq il. il. ilisimatitsisassapput.

§ 3. Pinerlineqartoq suliami § 2, imm. 1-imi taaneqartumi, eqqartuussivimmi ilisimannittutut nassuiaateqarnissaa ilimagineqarpat, taava pinerlineqartumik killisiuinnermut siullermut atatillugu imaluunniit tamatuma kingorna piaarnerpaamik politiini imaluunniit unnerluussisussaataasuni pinerlineqartumut inummik attaveqaataasumik toqqaasoqassaaq.

Imm. 2. Suliani allani, pinerlineqartup eqqartuussivimmi ilisimannittutut nassuiaateqarnissaa ilimagineqarpat, pinerlineqartumut inummik attaveqaataasumik toqqaasoqarsinnaavoq, pinerlineqartoq suliap qanoq ittuunera aallaavigalugu, § 1-imi taaneqanngitsutut politiiniit imaluunniit unnerluussisussaataasuniit annertunerusumik ilitsersorneqarnissamik pisariaqartitsisinnaanera naatsorsuutigineqarpat.

Imm. 3. Imm 1-imi aamma 2-mi taaneqartut inuup attaveqaataasup pinerlineqartoq ikiussavaa aammalu tapersersussallugu, pinerlineqartoq politiinut imaluunniit unnerluussisussaataasunut saaffiginnippat.

§ 4. § 1 malillugu ilitsersuinissamut pisussaaffik pinerlineqartup qanigisaanut aamma atuuppoq, pinerlineqartoq toqkkut qimagussimappat. Pinerlunneq pissutigalugu pinerlineqartoq toqkkut qimagussimappat, taamatuttaaq § 2 malillugu ilisimatitsinissamut pisussaaffik pinerlineqartup qanigisaanut aamma atuuppoq.

Imm. 2 Ilitsersuinissamut aamma ilisimatitsinissamut pisussaaffik taamaallaat atuuppoq politiit imaluunniit

unnerluussisussaatitaasut ilisimappassuk,
pinerlineqartumut qanigisaasoqanera, aammalu
taamaallaat tassunga imaluunniit taakkununga
qanigisaasut, toqusimasumut qaninnerpaatut
isigineqarpata.

§ 5. Nalunaarut ulloq 1. januar 2023 atuutilissaaq
Imm. 2. Nalunaarut atuutissaaq sulianut
atuutilersinneqarnerata kingorna

unnerluussutigineqartunut. Taamaattoq § 2-mi
ilisimatitsinissamut pisussaffik aamma sulianut ulloq 1.
januar 2023 sioqqullugu unnerluussutigineqarsimasunut
atuuppoq.

Rigsadvokati, ulloq 16. december 2022

JAN RECKENDORFF

/Henriette Rosenborg Larsen